



21. august 2009

UKA 2009/141

Inatsisartut Suleriaasianni § 36, imm. 2 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq: Meeqqat atuarfianiit naammassillutik ilinniaqqinnissamik qinnuteqaraluarlutik ilinniarfissarsinngitsoortut allallu suliffissarsioraluarlutik suliffissarsinngitsoortut pillugit Naalackersuisut ilinniartitaanerup tamakkiisup qaffassarniarneqarnerani qanoq iliorlutik anguniagaqarnertik takorloorpaat?
(Inatsisartunut ilaasortaq Jane Petersen, Inuit Ataqatigiit)

Tungavilersuut:

Ilisimavarput meeqqat atuarfianniit naammassisut amerlanerpaartaat ilinniaqqinnissaminnik qinnuteqartartut. Imaangilali qinnuteqarenerminni ilinniaqqiffissaminnik tamarmik pissarsisartut, ilaqaartarpummi ilinniaqqikkusukkaluarlutik akuerineqanngitsoortut.

”Atuarfitsialaap” atuutsinneqarnerani 10. klassimiit naammassisalernerminni ilinniarfissamut kajungerisamut aallartinnissamut itigarsimasut imaluunniit aallartinngitsoorsimasut, kinguartitsiniartulluunniit siunissami ilinnialersinnaanerannut periarfissat kipiluttunartuupput.

Inoqarfinni assigiinngitsuni, meeqqat atuarfianniit naammassillutik anisut ilinniaqqinniannngitsunik ilaqaartarput, ilaatigut suliffissaqannginnamik suliffissarsiorlutut nalunaarsorneqarneq ajorput. Tamanna siunissami inuuniarnermut ilinniartitaanerullu ineriartortinnissaanut akornutaariaannaavoq.

Tamanna qaangerneqassappat nunatsinni inuusuttortatta ilinniarsinnaanerannut periarfissat amerlisarniarlugit qanorlu piginnaassutsinut atugaqarneq aallaavigalugu misissuinissamut Naalackersuisut takorluugaqarnerlutik, aammalu ilaatigut ilinniaqqiffigerusutat soqutigineqarnerusut ilinniaqqikkusuttunik amerlanerusunik tiguisinnaanissaannut aqqutissiuussinissamut piumassuseqarnerlutik?